

Bosnia and Herzegovina
Federation of Bosnia and Herzegovina

CANTON SARAJEVO
Institute for Informatics and Statistics

Broj: 26-04-7569-123/20
Sarajevo, 04.05.2020. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SLUŽBA ZA SKUPŠTINSKE POSLOVE

PREDMET: Odgovor na zastupničko pitanje zastupnice Kristić Danijele

Na 22. Radnoj sjednici Skupštine Kantona Sarajevo, održanoj dana 11.03.2020. godine u okviru tačke Dnevnog reda „Poslanička/zastupnička pitanja, inicijative i odgovori“, zastupnica Kristić Danijela je postavila zastupničko pitanje:

„Molim Vladu Kantona Sarajevo da me obavijesti da li je zaprimila tromjesečni izvještaj Zavoda za informatiku i statistiku Kantona Sarajevo na osnovu tačke VII Odluke o metodologiji postupanja Vlade Kantona Sarajevo i kantonalnih organa uprave po poslaničkim/zastupničkim pitanjima i inicijativama.“

ODGOVOR:

Stručna služba Vlade Kantona Sarajevo je aktom broj 16-01-04-7569-40/20 od 25.03.2020. godine prosljedila gore navedeno zastupničko pitanje zastupnice Kristić Danijele u kojem se traži da se na pitanje odgovori te odgovor dostavi Službi za skupštinske poslove Kantona Sarajevo i Stručnoj službi Vlade Kantona Sarajevo.

Vlada Kantona Sarajevo je na 40. sjednici održanoj 10.10.2019. godine donijela Odluku o metodologiji postupanja Vlade Kantona Sarajevo i kantonalnih organa uprave po poslaničkim/zastupničkim pitanjima i inicijativama i Odluku o uspostavi javnog registra postupanja Vlade Kantona Sarajevo po poslaničkim/zastupničkim pitanjima i inicijativama koje su objavljene u Službenim novinama Kantona Sarajevo broj 42/19 od 24.10.2019. godine.

Zavod za informatiku i statistiku (u daljem tekstu: Zavod), na osnovu Odluke o uspostavi javnog registra postupanja Vlade Kantona Sarajevo po poslaničkim/zastupničkim pitanjima i inicijativama, je izradio registar u roku od 30 dana, kao što je i naveden rok u pomenutoj Odluci. Dana 12.11.2019. godine Zavod je dostavio informaciju o izradi navedenog javnog registra broj 26-05-40388/19 od 12.11.2019. godine Stručnoj službi Vlade Kantona Sarajevo i Kabinetu Premijera kao izvještaj o ispunjenju zadataka Zavoda iz navedene Odluke i upita za dalje postupanje u slučaju smetnji ili tehničkih problema, kao što je i navedeno u Odluci. U navedenoj Informaciji je navedeno da je registar uspostavljen i da nismo dobili kopije Rješenja o imenovanju



odgovornih lica za koordinaciju izrade odgovora na skupštinska pitanja i inicijative od svih kantonalnih organa uprave, te da tražimo informaciju o sljedećim koracima. Navedenu informaciju dostavljamo u prilogu ovog akta. Na navedenu informaciju do momenta pisanja ovog akta nismo dobili odgovor. Pored kantonalnih organa navedenih u Informaciji koji su dostavili Rješenja odgovornih lica, u međuvremenu dobili smo još Rješenja za Ministarstvo privrede Kantona Sarajevo, Ministarstvo za obrazovanje, nauku i mlade Kantona Sarajevo, Ured za borbu protiv korupcije i upravljanje kvalitetom Kantona Sarajevo i Kantonalne uprave civilne zaštite.


Na inicijativu Sekretara Stručne službe Vlade Kantona Sarajevo, dana 10.03.2020. godine održan je sastanak sa svim trenutno imenovanim odgovornim licima iz kantonalnih organa, na kojem se je razgovaralo o primjedbama i sugestijama na registar kao i o načinu daljeg postupanja. Na sastanku su prisustvovali i predstavnici Zavoda koji su prezentirali javni registar. Obzirom na trenutnu zdravstvenu situaciju, koliko je nama poznato, dalje se nije postupalo.

Zavod je ispunio svoje obaveze u predviđenom roku u pogledu tehničke uspostave javnog registra kao poslao uputstvo za unos i uređivanje podataka svim trenutno imenovanim odgovornim licima, te nije bio u mogućnosti dostaviti tromjesečni izvještaj Vladi Kantona Sarajevo o prekoračenju rokova za odgovore, iz gore pomenutih razloga.

S poštovanjem,

Prilog:

- Informacija o izradi javnog registra broj 26-05-40388/19 od 12.11.2019. godine



DIREKTOR

mr. Dino Šehović

Dostaviti:

- Naslovu,
- Stručna služba Vlade Kantona Sarajevo,
- a/a





Broj: 26-05-40388/19
Sarajevo, 12.11.2019. godine

BOSNA I HERCEGOVINA
FEDERACIJA BOSNE I HERCEGOVINE
KANTONA SARAJEVO

STRUČNA SLUŽBA VLADE

KABINET PREMIJERA
n/r Premijera

PREDMET: Informacija o izradi javnog registra postupanja Vlade Kantona Sarajevo po poslaničkim/zastupničkim pitanjima i inicijativama

Poštovani,

Na osnovu Odluke Vlade Kantona Sarajevo o uspostavi javnog registra postupanja Vlade Kantona Sarajevo po poslaničkim/zastupničkim pitanjima i inicijativama broj: 02-05-35648-21/19 od 10.10.2019. godine, obavještavamo Vas da je Zavod za informatiku i statistiku Kantona Sarajevo izradio navedeni registar u predviđenom roku.

Zaključno sa danom 11.11.2019. godine na našu adresu dobili smo kopije Rješenja o imenovanju odgovornih lica za koordinaciju izrade odgovora na skupštinska pitanja i inicijative za sljedeće organe uprave:

- 1) Ministarstvo za rad, socijalnu politiku, raseljena lica i izbjeglice Kantona Sarajevo,
- 2) Ministarstvo saobraćaja Kantona Sarajevo,
- 3) Ministarstvo zdravstva Kantona Sarajevo,
- 4) Ministarstvo za boračka pitanja Kantona Sarajevo,
- 5) Ministarstvo unutrašnjih poslova Kantona Sarajevo,
- 6) Ministarstvo finansija Kantona Sarajevo,
- 7) Ministarstvo komunalne privrede i infrastrukture Kantona Sarajevo,
- 8) Ministarstvo pravde i uprave Kantona Sarajevo,



- 9) Ministarstvo kulture i sporta Kantona Sarajevo,
- 10) Kabinet Premijera Kantona Sarajevo,
- 11) Zavod za informatiku i statistiku Kantona Sarajevo

Za ostale organe i službe Kantona Sarajevo nismo dobili imenovana lica za koordinaciju izrade odgovora na skupštinska pitanja i inicijative.

S obzirom na navedene činjenice kao i trenutnu situaciju u vezi sekretara Vlade Kantona Sarajevo, molimo Vas da nas informišete o sljedećim koracima postupanja.


Naglašavamo da smo u stalnoj komunikaciji sa savjetnikom Premijera Kantona Sarajevo koji je zadužen za navedeni registar.

S poštovanjem.



Dostaviti:

- Naslovu,
- a/a



web: <http://zis.ks.gov.ba>
e-mail: zis@zis.ks.gov.ba
Tel: + 387(0)33 560-470. Fax: +387(0)33 560-490
Sarajevo, Reisa Džemaludina Čauševića 1